

# VOILA

48



GRILLPLAUSCH  
HERREBUMMEL  
MARSCHIEBIG  
WANDERUSFLUG  
KINDERQUIZ  
FRAUEBUMMEL  
PFYFFERCHEFIN  
NORA  
TÖFFTOUR  
DOMINIQUE/ALEX  
SPAGHETTIPLAUSCH  
VORTRABSFORMULAR  
PINWAND  
TATTOO  
STEINWASENBRICHT  
TERMINPLAN  
WANDERUSFLUG

---

# **Administrativs** / Prolog

---

November 2013

Liebi Rolli

wie bereits aakündigt, isch d Zit vo dr Vränderig iitroffe - und die isch au an unserem Voilà nid spurloos vrbi gange. Die unter euch wo e Unterschied sehn, au gärn e Bricht würde schribe, positivi/herusforderndi Kritik, Vrbesserigsvorschleeg oder Lob wänn aabringe, die dörfe sich gärn bim Voilà Team mälde.

An dere Stell möchti mi ganz härzlig bim Cyrill bedangge, wo geduldig Johr für Johr s Voilà für uns gschtaltet hett.

Sitem April isch bi uns Rolli so einiges gloffe. Siggs e Spaghettiplausch, Töfftour, Marschiebig, Frauewellnesswuchenänd, Herrebummel, Grillplausch, Erläbnispark-Usflug oder e phänomenals Tattoo: Bi uns isch immer öbbis los !



## **s Voilà Team**

Inhalt Stamm, Layout, Gschtaltig & Dätschmaischiere: **Nadine Nickler**

Mitässer & kreative Mitdängger: **Marcus Hablützel**

Inhalt Jungi Garde: **Nicole Weber & Andrea Roth**

Inhalt Alti Garde: **Thomas Wyss**

Versand: **Regula Michel**

baslerrrolli@gmail.com  
<http://www.baslerrrolli.ch/>

**Redaktionsschluss Voilà 49:**

**10. Januar 2014**

Liebi Rolli

Erschtmol nomol e riese Danggschön an d'Ursi wo so lang als Pfyfferchefin in ihrem Amt gsi isch und mir das au super zur Nachfolg hinter loh het.



Unseri liebi Ursi het das über die viele Joor mit Bravour gmeischeret.

Mis erschte Fazit noch em e halbe Joor als Pfyfferchefin, isch scho mol sehr positiv. Ich hoff für Euch Pfyffer isch es das au!? Bi irgendwelche Wünsch, Aregige bi mir mälde. In däm Sinn hoff ich, dass ich das Amt au so guet ka meischtere, sunscht bitte friezytig sage :=)

Caroline



## Basler Rolli Jungi Garde & Stamm TERMINKALÄNDER

Wenn	Was	Wo	Zyt	Wär
DO 28.11.2013	Gemeinsami + Källerstamm		20.00	Stamm
DO 19.12.2013	Rolliwiehnacht			Stamm
SA 04.01.2014	Blaggedde Usgoob			Stamm, JG, AG
DO 09.01.2014	Neujohrsapéro			Stamm
MO 13.01.2014	Vogel Gryff			
DO-SA 30.01.-01.02.2014	Offiziells Bryspfyffe-/drummle			Stamm, JG, AG
SA-SO 08-09.02.2014	Skiweekend			Stamm
SA-SO 15.-16.02.2014	und 22.-23.02.2014			
	Kinder-Charivari	Theater Basel		JG
FR 21.02.2014	Wirrlede			Stamm
SA 22.02.2014	Marscheibig			Stamm
SA-FR 22.-28.02.2014	Drummeli			
SO 09.03.2014	Latärne-Ypfiffe	Münschterplatz	17:30	Stamm, JG, AG
MO-MI 10.-12.03.2014	Fasnacht			Stamm, JG, AG
SO 23.03.2014	Bummel			Stamm
SO 30.03.2014	Bummel			JG, AG
SA-SA 19.-26.07.2014	Basel Tattoo			Stamm, AG
DO 21.08.2014	Grillplausch	Polzeihütte	18:00	Stamm, JG, AG

---

# Aktuells / Horoskop 2014

---

**Wassermoa** - Du hesch 1 Monet gueti Luune: Mach mit bim Offizielle und gwünn für d Rolli ! Wenn nid, denn gosch halt bo baschtle im Rolli-Käller, au guet. Die wo in dr zweite Hälfti gebore sinn, dörfe sich uf s Skiweekend freue.

**Fisch** - D Gfohr beschoht, as du e kalti Nase bekunnscht binere Marschiebig. Tipp: Gang di go ufwärme e im Drummeli-Foyer. Das kasch au mache, wenn du gar nid kalt hesch. Usserdeäm wird im 2014 rund um di Geburtsdaag duss pfyffe und drummet. Ehrewort !

**Widder** - E grandiose Monet meischerisch voll Energie am Bummel, bim Oschter-eier sammle oder Oschterhase jage.

**Stier** - Ändlig foht s Cliqueläbe wieder a und du sitzisch nüm g'langwiilt elei deheim umme und luegsch di Piccolo/Drummle a.

**Zwilling** - Es stoht e grossi Vrsammlig uf dim Programm. Usserdeäm isch das di kreativschi Zit im Johr und du wirtsch dr Drang vrsprüe, e Voilä Bricht schribe z'welle. (Anm. d. Red.: Bitte schiggen an: baslerrolli@gmail.com, merci!)

**Krebs** - Bi dir schoht dr Summer vor dr Tüür. Zit für dr Rolli Summerplausch! Gfolgt vom Basel Tattoo, wo du stolz mitem Rolli T-Shirt wirtsch in dr Beiz umme-wirble und für e guete Umsatz Sorge.

**Löwe** - D'Jagt bim Basel Tattoo goht witer. Was/wär du jagsch, wird für Erstuene Sorge. Und denn wirtsch am Rolli Grillplausch im Auguscht e Überraschig erläbe.

**Jungfrau** - Du bisch zwische Stiehl und Bängg. Genau so gohts dr Johreszit au - s isch nüm Summer, aber au nonig Herbscht. Do blibt nur eins: E Voilä Bricht schribe, zum Zit überbrücke. (Details: lueg bim Zwilling)

**Woog** - Ferie stönn vo diner Huustüür und die alljöhrligi Herbstversammlig. Du wirtsch dr wünsche, du wärsch e Wassermoa, denn würd bereits d Fasnacht vor dr Tür schtoh.

**Skorpion** - Dr erschi Schnee ligt uf de Päss: Vorsicht - Winterpneu oder Ski montiere. Du wirtsch e luschtigi Zit vrbringe am Bunte Oobe. Nei, du bisch kei Wassermoa.

**Schütz** - Falls di dr Santiglaus nid mitgno hett, stoht d Rolli Wiehnacht vor dr Tür. Mäld di a, damit du das Fescht nid vrpässig ! D Vorfreud uf dr Vogel Gryff, s Offizielle, d'Fasnacht und dr Bummel isch enorm.

**Steibogg** - Bi bisch sehr aktiv am Vogel Gryff, bi de Baschtelschtunde im Rollikäller und bim Blaggedde vrkaufe. Fraue - ufpass: Dr Usverkauf foht a !

Geschätzte Leserin, lieber Leser

Sommerzeit – Ferienzeit. Ja das mag stimmen, sofern man das auf die Pflege der Instrumentenkunst bezieht. Aber wenn man nun glauben möchte, dass in dieser Zeit cliquentechnisch tote Hose wäre, der irrt gewaltig. Natürlich ist uns der Einsatz am Tattoo als das alles überragende Ereignis wohl noch in bester Erinnerung. Dazu Mehr an anderer Stelle in dieser Ausgabe.

Das alles hat aber nicht geholfen, meine mittlere Panik zu besänftigen, als mich kürzlich mein Kalender an den drohenden Redaktionsschluss erinnerte. Aber wie in früheren Ausgaben durfte ich auf verständnisvolle Unterstützung meiner Kolleginnen und Kollegen zählen und so kann ich Euch einen bunten Abriss über die vergangen Monate präsentieren. Danke an alle die mich tatkräftig unterstützt haben.

Jack, hu de Häck is Jäck!! Nein, dieser Kalauer ist zu billig um auf meine Ankündigung in der letzten Ausgabe zurück zu kommen, Euch Jack vorzustellen. Ich denke aber, dass wir gemeinsam eine stolze Zahl von Stunden verbringen und doch manchmal noch ganz unbekannt Seiten voneinander erfahren. Darum habe ich Jack um ein persönliches Porträt gebeten.

## Neui bi de Alte – Jack Jakob

Y bi 1999 zue de Rolli koo und ha 14 Fasnachte mit em Stamm gmacht.

2013 isch e bsunders Joor für mii. 40 Joor ha ich im Radio Studio Basel als Tonregisseur geschafft und ha gfunde, das längt jetzt und ha mi los frühe-pensioniere.

Aber das isch niet die einzige Veränderung gsi: Y ha nach derer Fasnacht und dämm super „Zirkus“ Drummeli in die Alt Garde gwäggslet, e Schritt, wo n y bis jetz no nie bereut ha. Y bi sehr härzlig uffgnoo worde und föhl mi wohl bi myne neue Kameräädli.

Wenn y grad nit bi de Rolli drummlle, gang y go Velo fahre oder beschäftige mii mit der kleine Lisa, mym Grosskind, wo 15 Monet alt isch. Zuedäm han i mi Hobby zum Bruef gmacht: Y bau Veloreeder uff höggstem Niveau, sogar dr Wältmaischter Christoph Sauser fahrt mit myne Reeder.

Wär mehr wott wüsse, ka s seh uff mynere Homepage [www.spokedbyjack.ch](http://www.spokedbyjack.ch)



Liebi Griess, Jack



D Basler Rolli gratuliere dr Alex  
und em Dominique ganz hürzlig  
zue ihrem „grosse Daag“ am  
13. Septämber 2013 !



crome.ch

Ab **U**ff  
d'Gass!

Immer unterwegs für Sie.  
[www.unternaeherer-ag.ch](http://www.unternaeherer-ag.ch)

**Unternährer**  
Unser Elektroprofi

# Nochwuggs / Nora

Unser Nesthäkchen ist da!

Nora Aimée ist am 28. Mai 2013 um 17:11h früher als erwartet geschlüpft, mit einem Federgewicht von 2340 g und 45 cm. Herzlich Willkommen in unserem Nest. Schön, dass du da bist!

Michèle & Stefan mit Finn & Lia



und jetzt  
no e...  
**TOP**  
**GHAIMTIP:**

**Büchler**  
Drummelbau &  
Drummelschuel  
Austrooss 43  
4051 Basel

## Nochwuggs / Neui bi de Junge

Ich heisse Aaron, bin 8 Jahre alt und habe dieses Jahr bei Patrick mit Trommeln angefangen. Ich gehe in die 2. Klasse im Theodorsschulhaus und spiele gerne Fussball und Lego, und schwimme auch sehr gerne.



Ich bin Andrin Hersberger und bin 10 Jahre alt. Ich bin in den Basler Rolli weil mein Papa Patrick bei den Basler Rolli ist. Mein Lieblingsessen sind Omeletten und ich spiele sehr gerne Fussball. Ich trommle sehr, sehr gerne und am liebsten trommle ich erfindend vor mich hin. Conny ist meine Trommellehrerin. Im Neubadschulhaus gehe ich in die vierte Klasse. Mein bester Freund ist Ramon, er trommelt auch bei den Basler Rolli.

Ich heiss Saskia Michel, bi  
7 ½ Jooralt und ha agfange  
pffffe 😊. Ich gang no  
ins Schwimme und ins Turne.

Saskia



## FCB-QUIZ

1. Wenn isch dr FCB s'erscht moll Schwizer Meischerter worde?

1993	A	1953	U
1923	M	1903	L

2. Wie nenne d'Basler Fans ihr Stadion?

Seppli	B	Schöggeli	Ä
Joggeli	T	Pärggli	I

3. Welle Club het dr Murat Yakin emoll trainiert?

Rolligen b. Bern	G	Frauenfeld	J
Kreuzlingen	B	Rebstein	R

4. Was fällt dir spontan zu Kwang Ryong y?

Pingpong	O	Tanaka	N
Gar-nuet	P	Pak	S

5. Welcher Vorname kommt im Kader am häufigsten vor?

Mohamed	R	Gigi	F
Fabian	E	David	H

Aus den richtigen Lösungsbuchstaben kannst Du nun ein Lösungswort zusammenpuzzeln:

Lösungsbuchstaben:

○ ○ ○ ○ ○

1. 2. 3. 4. 5.



Lösungswort:

○ ○ ○ ○ ○



# Nochwuggs / Steinwasenpark

## Die Jungen Rolli im Steinwasenpark

TAGWACHT war schon ganz früh. Der Weg mit dem Zug in den Steinwasenpark war lustig, aber etwas SCHLEPPend. Mit dem ZWEIER-Sessellift fuhren wir auf den Berg und mit der Rodelbahn flitzten wir wieder runter. Im 4ERLI-D-Kino hat es uns angespritzt, angewindet und fast ab dem Stuhl geWIRBELt. Im Gletscher-Blitz hatte es nicht viele Leute. Es hatte auch einen Zauberer, der etwas beTUPFT war, dass wir seine Tricks schon kannten. Es gab auch eine Art Innenrodelbahn, da konnte man selber Gas geben. Es hatte auch eine Wasserbahn. Wir teilten uns in Gruppen auf und wir grossen Kinder durften alleine losmarschieren. Es war sehr, sehr toll und wir haben viele KapTRIOLEN gemacht. ENDSTREICH war um etwa sechs Uhr am Abend.

Andrin Hersberger





© CTB AG

Ihr ElektroTeam für jeden Fall!

# MORITZ HUNZIKER AG

MORITZ HUNZIKER AG  
Elektro - Telefon - TV - EDV  
CH - 4019 Basel  
Kleinhüningerstrasse 183

Tel. +41 61 631 35 35  
Fax +41 61 631 36 66  
info@elektro-hunziker.ch  
www.elektro-hunziker.ch

# Aläss / Grillplausch



**Alle Jahre wieder - e Guete**

**Rapp** | Trans



Verkehrs- und Mobilitätsplanung, Verkehrsmodelle,  
ÖV-Beratung, Verkehrstelematik, Ökonomie,  
Güterverkehr und Logistik.

Rapp Trans AG – ein Unternehmen der Rapp Gruppe

Rapp Trans AG  
Güterstrasse 137  
Postfach  
4018 Basel  
[www.rapp.ch](http://www.rapp.ch)

## Höggschtleischtig uff heissem Niveau

As dä Aalass jo gspiggt isch mit Attraktionen uff höchstem Niveau isch glaub alle bekannt. Und unser OK isch in dämm Punggt au das Joor absolut uff Augenhöchi mit em Veranstalter gsi. Joo, i ha mi gfreut – d Erinnerung an letschts Joor isch no presänt gsi - wo die Aamäldig fürs Hälfe ins Huus gflatteret isch. I ha also nid lang miesse überleege und ha mini drey Krüzli spontan gmacht mt der klaine Bemerkig, as mini Talänt nid umbeding im Bediene von eme Serviertablett ligt. Dr Rico het denn bim Iteile wohl dänggt, as zwei Lisätz rund ums Fägfüür (de Meische au als Grill bekannt) für mi agmässe sigen. Won i denn am Samschtig um die Säxi iigloffe bi, han i dörfe zwei Sache konschtatiere: es isch sau heiss – au ohni Grill und es hett unglaublich viil Lüt. Aber me sott jo nid klage, schliesslig sind das beides beschi Vorusssetzige as s Geschäft brummt. Und das isch doch d Hauptsach. Für e schnälls Bier und a paar kurzi Gspröch hets allewiil no glängt bevor ich zämme mit em Dominique ha dörfe e perfäkt vorbereitete Grill vo de Vorgänger übernääh. Und scho isch es los gange; zerscht no in gmietlicher Kadänz aber bald im Express-Modus. I ha mi scho gfrogt, ob die Lüt in de letschte Dääg nüd me z Ässe bekoo hän. Und d Froog ob mini Plätzli oder ich meh schwitze am Grill isch zimmlig lang no unentschiide blibe. Sigs drum, s hänn alli ihr Ässe bikoo und mr hän doch au s eint oder ander Komplimänt dörfe entgege näh. D Rolli hän dr Gschmagg vo de Kunde beschtens troffe. I gibts zue, i bi nid truurig gsi, wo ich ha dörfe d Grillzange und dr Schurz im Nachfolger übergää. As mi Verpfällig ame kühle Plätzli denn flüssig gsi isch ka me glaub guet verstoooh. Dr zweit Lisätz han i denn als Grill-Assistänt dörfe absolviere. Und au wills d Spootschicht gsi isch bi düttlig agnäamere Arbeitstemperature. S idrüggligschte isch sicher gsi, wo d Carabinieri-Truppe noch ihrem Ufftrit frisch duscht und in Zivil unsere Grill heimsuecht hän. Me kas kurz mache, si hän mit dem Grillgute gründlig uffgruumt. E Staubsuuger hät das nid besser könne. Einzigi Bedingig: Priis egal solangs e Ciabatta-Brötli drum het. E ächts Schauspiel aber au e tolls Geschäft.



Und so bin i den zmitst in dr Nacht heikoo, ha mini gräucherete Klamotte wiit ewäg zum Lüfte vor em Wäsche uffhängt und e ussigibigi Duschi gnosse. As e dezentäte Grillgruch no ei-zwei Dääg in minere Nase ghangen isch duet dem super Erläbnis mit der Rolli kei Abbruch. Und i weiss scho hüt, as i mi bereits jetzt uff die näggschti Aamäldig freu. I bi sicher wider drbii. Iisatzort? Unbestimmt!!





## Mini Erläbnis am Basel Tattoo 2013

S Tattoo isch wirgglig toll gsi. Mir hän alli en super iisatz zeigt und hen unser Beschts ge. Ich find mir händ das alli super gmeischeret. Au wens vor und nach de Vorstellige zum Teil zimmlig stressig gsi isch und mir inschwitze cho sin (ob d Servierdüse oder d Meistergrillierer). Au hän mir Glück gha mit em Wätter, klar es isch e meega Hitz gsi und mir hän glitte, abr es hät schlimmer chönte si. Es het jo auf vieli geh wo ab und zue e Abkiehlig im Rhy sind go neh. Au die Mitwirkende vom Tattoo sälber sind nätt gsi und au d Stimmig under uns Rolli isch wie immer positiv glade gsi. Mir hän d Freud wo mir an däm wo mir mache verstreut und ab und zue es Lächle uf d Lippe zauberet.

In kurze Wort: S Basel Tattoo isch für mich es tolls und erfreuends Ereignis gsi und ich dank, dass i das ha dörfe miterläbe.



## Selina Schwob



# Aläss / Dambuure-Spaghetti-Obe / Stamm

Dr Thomy und dr Eggi hän uns Stamm-Dambuure am zweite Donnschtig vo de Herbschtferie zueme Spaghetti-Obe im Fүүwehr-Ruum, wo jetzt denn glyy abgrisse wird, vom Stamm-Baugschäft yyglade. Es het e feine Salat und denne herrligi Penne à la Butanesca gää. D Spaghetti sin dr bessere Schöpfeigeschafte zum Opfer gfalle... Wysse, Bier und Rote isch riichlich konsumiert worde, mr hän jo au fascht miesse, will Wasser hets „numme 6 Fläsche“ ka ;o)

Denn hän die wo dört gsi sin und sich no gsee hän, e luschtige Herbschto-be verbrocht. Gseh het me kuum me öbbis will so zimmlig alli fglemmt hän was s Züüg här gee het....v.a. so lang wie dr Thomy no Cigarette übrig ka het.


Me het denn none Päggli zwei bim Pizzajolo gholt aber au die sin glyy ver-raucht gsii.

Mir dangge an dääre Stell de beide Gaschtgäber nomols ganz härzig für das quasi „Verabschiidig us em Stamm Nachtässe“.

... dä mit de Stümppli



# Ihr **Wein-** und **Getränke-** **Lieferant**



**Theo Rietschi AG**  
Getränke en gros



**Hahn-Rickli AG**  
Weinkeller

# **Rolli unterwäggs** / Töfftour / Ussflügli / Alti Garde

Am 18. Augschte 2013 hän mer is am Nyni am Morge im Rankhof zur unsere zwaite Rollitöfftour droffe.

Uff Tour mitkoo sind dr Thomas, dr Markus, dr Carli mit Melanie, dr Aernscht mit Monique und Lucien mit Ursi.

Unseri Route het is by heerlichem Summerwätter durchs glaine Wiesetal nach Schönau zum Kaffihalt, denn iber Prag - Bernau - Schluchsee nach Grafenhausen in d' Roothuusbrauerei zum Midaagässe gfiert.

Mit vollem Maage sin mer denn am Noomidaag über St. Blasien – Todtmoos-Gerspach in Bärggasthof Waldhaus gfaare, wo denn alli im Gaarte dr grossi Durst glöschd hän.

Haimezue isch es denn über Hausen – Weitnau – Kandern – Weil gange. Am Zoll isch denn die heerlich Tour z Änd gsy und hänn enander Adie gsait.

Lucien AG



## **Pfyffergrubbe Ussflügli anschtatt z'pfyffe**

Jo es isch e prächtige Summer gsi, dorum hänn d Pfyffer sich no am 8te Auguscht zumene Minigolfplausch troffe; aber gege die 6i Zobe sinn über Basel dunggli Gwitterwolgge uffzoge und scho bim Aperu in Brügglinge hänn sie sich entlaade, zem Glligg sinn mir undere Blache im Schärme gsasse; dr guete Schtimmig hett's nid gschadet und mir sinn derno underem Rääge duure ins Restaurant Sankt Jakob züüglet, wo mer dr Obe hänn lo ussklinge- au im Schärme- und jetzt veroot ich's no.... Minigolf gschpiilt hammer nid!!!!!!....

....und zem wyterhin FIT z'bliibe hett's am 12. Septamber wieder e glaini Wanderig gäh, nämmlig dr Birs noch bis ins ‚Grazy Horse‘. - uff- e ganzi halb Schtund wandere, jo do hämmer doch scho nach 15 Minute ab em Birskopfli miesse bi dr Jacqueline an dr Birs



schtroos e Aperu neh, und ich verzells grad - uff em Balkon isch es trogge gsi (Wätter), gsi (Wätter) aber sunsch hett's gränet - nattirlich d Pfyffer sinn jo wieder emol unterwäggs!- aber abghertet und frisch gschterggt hämmer dr Räscht vom Wäg no gmaischt eret und bim gmietlige Hogg in dam Stibli hinde am Schanzli dr Obe lo ussklinge.

Esti

# **Rolli unterwäggs** / Herrebummel / Stamm

Während d'Fraue schon in aller Herrgottsfrieh am Badische Bahnhof sich miehn yfinde, könne mir uns nomol im Bett umdreihe.

*09.00 h Live vom Frauebummel „Todtmoos oder so heisst das Dorf. So ca. 1 h mit em Car. Sehr hübsch fascht wie Schwarzwald im Disneyland“*

Erscht am elfi traffe mer uns bim HammeringMan und denn erwartet uns e wirklich Hammerprogramm (für öbbis hämmer jo au 150 Stutz aneblätteret!). Nach eme Früehschoppe werde mir in e feynschte Wellness-Tämpel entfühert, wo's näbe Lachs, Champagner no sehr vyl mehr Schläckereie gäh hett ... kei Wunsch isch uns nid erfüllt worde ... mir hänn's uns jo verdient! (Gäll Edgar do wirsch bim läse grad nydisch!). Hey ALDO UFFWACHE, sunscht kunnsch no z'spot an Herrebummel! He was? Ah jo, wäge zwenig Amäldige hänn d'Organisatore Steffi und Markus jo miesse umdisponiere. Eso dass s'Mittagsschlöfli bis am 5i hett könne ussdehnt wärde. Leider alles bishär nur e Traum gsi, wo aber v.a. dr Aldo so bloggt hett, dass er dr ganz Obe s'Originalprogramm hett welle usefinde, derbi isch s'Ersatzprogramm gar nid so schlächt gsi: Die erschti Station isch's Schiefe Eck gsi, wo mer uns zum erschte bis vierte Bier (je nach Durscht) troffe hänn. Immerhin 11 Herre hänn doch gschaft sich vo de verschiedenschte Verpflichtige loszrisse. Oder au nur atriebe vom Gwunder „was wär gsi wenn ...“

*18.26 h Live vom Frauebummel „Mir bim Specky zum Feschper mit Muusig. Han gmeint bi im falsche Film“*

Nach däm gmietlige Ydrinke isch es los gange, nach asträngende 220 Meter z'Fuess (!) hett uns s'Schofeck gradzue zum e Bier yglade. Usser eme Japaner, wo mit kritischem Blick probiert hett e Fondue z'ässe, sinn mer um die Zyt die einzige gsi, wo Stimmig in dä Lade brocht hänn. Do nur für vier wyterti Gäscht (zum Fondue) deckt gsi isch, hänn mer uns s'Ässe mit ere wytere körperliche Leischtig miesse verdiene ... Diesmol 206 Meter bis zur Fischerstube, wo mer e feyns Menu mit mängem Fisch-Krueg gnosse hänn ... und dr Markus hett immer no standhaft em Aldo sini Froge ignoriert!

*20.57 h Live vom Frauebummel „Mer Chinesisch!!!! Im Schwarzwald??? Aber fein isches gsi!“*

Mittlerwyle hett's scho die erschte fliegende Wächsel gäh, dr Marcos isch gange, derfür isch dr Boris vom e (erfolgryche?) Handball-Matsch ytroffe.

Nach aregende Gspröch, erfrischende Desserts (Ueli-Bierbrand Glacé - nid schlächt!)

und e paar Digestivis isch scho wieder körperligi Ertüchtigung agseit gsi (wär isch denn do im Wellness-Weekend?). D'Linde isch e chli e z'kleini Usseforderig gsi (isch au ungmietlig leer gsi), so sinn mer halt asträngendi 162 Meter wytergloffte.



*23.18 h Live vom Frauebummel „Bim Caipirinja – mit Schlager - naja!“*

# **Rolli unterwäggs** / Herrebummel Teil 2 / Stamm

8Bar - und jetz isch es wirklich sportlich worde, dr Aldo und dr André hänn's welle wüsse und hänn e Päärli (wo sich als verkappti Profi-Töggeler usegstellt hänn) zum Match usegfordert ... immerhin kei Stängeli hett's gäh!

Und so goht e - trotz der Verkürzig – spannende und nie langwylige Bummel vo de Herre (oder wenigstens eme Teil dervo) langsam vorbi, au quantitativ losst sich dä Bummel seh:

- 4 Beize
- 4 verschieden Biersorte (Warteck, Fäldschlössli, Ueli, Appezäller)
- 588'000 zruggleiti Millimeter
- 11-12 Teilnähler
- 1:10 Gool im Töggele
- und e vylfachs Dankschön em Steffi und em Markus für d'Organisation und Reiseleitig durch die kulinarisch Glaibasler Wält, mir freue uns scho uff d'Fortsetzig im näggschte Johr !!!

... und denn nomol (00.51h) Live vom Frauebummel „Scho im Bett oder no am Bier? – Göhn jetz uff e Heimwäg“



**musik oesch basel**  
DAS FACHGESCHÄFT FÜR BLASINSTRUMENTE

Spalenvorstadt 27 • 4051 Basel • 061 261 82 03

# Rolli unterwäggs / Fraueweekend / Stamm

21. und 22. September 2013

Am Samschtig morge am viertel ab achti sin mir in Richtig Todtmoos loosgfahre. E paar hän scho gwüst wo unsere Reis ane goht, anderi hän sich überrasche loh. Im Car hets denn e guete Geburtsdaagapéro vo dr Gaby gäh. Merci viilmol!

Nach ere kurveriiche Fahrt sin mir vo de Therese in Todtmoos härzligg empfangen worde. Bi Sunneschiin het d Therese uns e weeneli über d Gschicht vo Todtmoos verzelt und abschliessend sin mir denn im Hotel mit eme Apéro begriesst worde.

Nach em Bezug vo de Zimmer hän mir „Freizyt“ gha. E paar sin ins Dorf in d Shopping-Meile, anderi hän dr Wellness-Beriich usprobiert, d Fiess oder s Gesicht verwöhne loh oder eifach s schöne Wätter gnosse und dr Maage mit „Kaffee und Kuchen“ gefüllt.

Am Nomidaag isch e Spaziergang agseit gsi. Mir sin zum „Specki“ für e Späck-Seminar. Dr singendi Wirt het uns verzelt wie Späck gmacht, gwürzt und gräucheret wird. Drzue sin mir mit eme Späckbrättli verköschtigt worde.

Nach em Verdauigsspaziergang sin mir denn zObe dr Buuch in eme chinesische Restaurant widr go uffülle. Abschliessend sin mir im Tanz- und Discostadl ‚Schwarzwaldspitze‘ go s Tanz-bei schwinge... die einte bitz länger, die andere wär denn nüm het möge dr Hügel zum Hotel uffelaufe, het dr Taxidienst vom Markus dörfe in Aspruch näh! Dange!



Nach eme feine z'Morge het jedi s Programm für sich dörfe ghalte: Relaxe, wandere, wellnesse, go ykaufe (die erschte hän scho e mögliches Accessoire für d Fasnacht kauft, natürlich in orange), und e paar hän sich bi ere Massage entspannt.

Am Mittag hets denn gheisse „ystoh im Wasser“: Aquafit isch agseit gsi! Hejo, irgendwann muess me d Kalorie au widr verbrenne. Nach ere Stund bewege und Muskle stärke im Wasser sin mir bi dr Therese und em Markus in dr Feriewohnig für e Umtrungg yglade gsi! Dange viilmol! S isch superguet und t hän e tolls, erholsaams, kalorieriichs, luschtigs, sunnigs, verwöhnerischs und gmietligs Fraueweekend gha! Viile Dangg ans Ooka Therese, Evy und Ursi!

Irina & Co.





# Rolli unterwäggs / Motorrad-Herbsch-Tüürli

Im Summer bimmene Schwarzwaldründeli no bi herrlig warmem Wätter hän sich dr Lucien, Thomas Wyss, Carli und Habi gseit, mir mien none zweetägigi Herre-Rundi mache das Joor, das kas nonig gsii syy. Also hän mir uns fürs mittlere Wuchenänd vo de Herbschferie verabredet für e "Tour du Jura" n'est-ce pas. Dr Lucien het in Google alles minuziös plant und e s "Hotel de la Truite" am Lac de Joux reserviert. Wo's Datum nöcher ko isch sin au d Tämperature gfallte und wo denn halb Meter wyys Schnee prognostiziert worde isch, hämmer afoo telefoniere und maile...ziemers duure?...was meinsch?... kum mr göön, sHotel isch ee buecht....also simmr gange.

Start isch am Fritig am 8i gsi bim Carl dehai bi Gipfeli und Kaffi. D Stroose drogge...mir hän glaub schwein...Himmel bewölgtt und zimmlig frösch. Also denn Richtig St. Ursanne und em Doubs entlang nach St.Hippolite, wos während dr erschte Kaffipause denn afo het rägne. Bi nasskaltem Gruuselwätter simmr denn guet ypaggt wyters richtig La Brévine, richtig s schwyzerische Sibirie gfaare. S het denn au kurz vorhär e biz gschneit und d Temperature sind Richtig Gfrierpunggt abekeit. Bim vermutete Griech am Seeli dört hämmer in sim Schiff-Restaurant e biz e äxtravagants, sehr salatlaschtigs, Mittagässe ka und das zueme stolze Bryys...wärmer hän mir nid ka nochhär, will nid gheizt gsii isch...aber derfür hän sich unseri Därm gmäldet...blazing saddles...saagi numme. Mir sind denn gege Obe, nachdämm mir denn no e Stund hinterere Kuehhärde mit entsprächende Folge uf dr Stroos härgfaare sin, am Lac de Joux akoo....brrrr, Wärmi mr kömme. "Un Schüümle-Pflüümle s'il vous plaît"... "he, quoi?"... kenne die nid dört, also denn halt "un café noir avec du Kirsch"!

Zum zNacht hetts e suubers Wildmenu gää, bis d Büüch gwagget hän. Am 10i simmr denn zimmlig mied je z zweet in soone Hängematte-Ehenäscht glääge.... Am Morge wache mr bi herrligem Wätter und Riffe uf em Sattel uf... sau kalt! Nachem zMorge goots wyters, teilwyss sehr langsam, will d Azeig bi -1Grad stoot und d Stroose no nass und llicht gfroore sin. Uf em Col de Marchairuz hets denn au Schnee.

Dernoo fahre mir bi mehrheitlig sunnigem Wätter bi so um die 5 Grad ringgeli ränggeli durch dr vadtländer und neueburger Jura mit de nötige Boxestöpp derzwüsche. Akoo, sprütze mir mit Hochdruggreiniger unserei Döff frei vo de Kuehflaede und andere Religgt.

Mir freue is alli uf e näggscht Mol, e biz wärmer dörfs denn scho syy.

Dä mit de grosse Camping Kische am BMW.



---

# **Rolli unterwäggs** / IWB / Marschiebig / Alti Garde

---

Zusammen mit unserer neuen Pfeiferchefin Esti Schmutz haben wir vereinbart bis nach den Herbstferien einen 14 tägigen Uebungsrythmus einzuführen. An den Donnerstagen dazwischen wollen wir versuchen jeweils einen kleinen Anlass für alle AG Mitglieder durchzuführen. Zwei schöne Events fanden statt und darüber möchte ich kurz berichten.

## **Leitungstunnel IWB vom 06.10.2013**

Kurz nach 19 Uhr trafen sich 14 Rollis beim Tinguely-Brunnen. Claude Evard (Bruder von Lucien) hat sich als Mitarbeiter von IWB Basel bereit erklärt, uns einen kleinen Abschnitt der unterirdischen Leitungstunnels von Basel zu zeigen. Nach diversen Sicherheitschecks und Telefonaten von Claude öffnete sich die Tür zur Unterwelt. Wir wurden steile Treppen hinunter in eine Welt mit der dritte Mann, oder Tatort-Stimmung geführt. Kilometerlange Leitungen, alle sauber auf Stahlgerüsten verlegt versorgen unsere Stadt mit Strom, Wasser und Gas. Auch die grösseren Rohr-Leitungen der Fernwärme und Glasfaser-Kommunikationsleitungen wurden uns von Claude gezeigt und auf witzige Art erklärt. Da Lucien ebenfalls an der Führung teilnahm und auch wesentlich am Bau dieser Tunnel beteiligt war, hatten wir auch einen kompetenten Referenten der baulichen Seite dabei. Zu sehen waren auch alte, historische Mauern, welche zum Teil noch als Fundament verwendet werden konnten. Für kurze Zeit schaltete Claude einmal das Licht aus und wir konnten die Situation erleben, wenn der Strom einmal ausfallen würde. Die massiven Geländer, welche den Gängen entlang das Gehen erleichtern, sind mit fluoreszierender Farbe gestrichen und leuchten in der Dunkelheit. Ein wirklich eindrückliches Erlebnis. Entlang der scheinbar unendlichen Tunnels sind die jeweiligen Standorte über Tag mit Tafeln angeschrieben und so konnte man sich einigermaßen orientieren. Nach dem Aufstieg und den erforderlichen Sicherheitsritualen standen wir wieder vor dem Ausgang und spazierten beeindruckt ins Restaurant „Latini“ Nach zwar langem Warten, assen wir dort zusammen, erwarteten natürlich gespannt die neuesten „Reini-Witze“ und genossen einen ruhigen und sehr schönen und harmonischen Abend.

Ich möchte mich nochmals recht herzlich bei Claude Evard für diese wirklich eindrückliche Führung bedanken. Auch Lucien danke ich für seine sehr interessanten Ausführungen über die baulichen Belange der Tunnels.

## **„Marschübung“ vom: 26.10.2013**

Leider nur 11 Rollis (inkl. Bodenleger Luc) trafen sich an diesem Donnerstag zu einer Marschübung, einmal ohne Instrumente. An diesem schönen Frühherbstabend spazierten wir die bekannten und teilweise auch abgeänderten Routen zur Schleuse und danach ohne Halt (Schleuse geschlossen) der Wiese entlang zum Parkrestaurant „Lange Erlen“. Diese Gelegenheit einmal die fixen Formationen während des Laufens zu verlassen und mit möglichst allen Teilnehmern zu plaudern habe ich sehr genossen und ich glaube, dass dies alle anderen auch so empfunden haben. Ob Anita im Winter 2014 dann Ihr Velo auch mitnehmen wird, entzieht sich meiner Kenntnis. Ob die eingenommenen Marschaufstellungen absichtlich waren, bin ich mir auch noch nicht sicher. Dass diese 11 Rollis nun aber natürlich einen grossen konditionellen Vorteil haben werden steht ausser Diskussion. Das anschliessende Nachtessen im Parkrestaurant lief wie erwartet sehr lustig ab. Eine kleine, aber sehr gemütliche Runde verbrachten zusammen einen für mich sehr schönen Abend. Es wäre schön, wenn wir bei kommenden Anlässen vermehrt auch Vorträtler dabei haben könnten, denn auch diese waren natürlich eingeladen.

# **Rolli unterwäggs** / Strammi Wäädli / Alti Garde

## **Strammi Wäädli - e ächty Bieridee**

...geboore bi drey bangsionierte Drummler, wo nach dr GV zäame bi-m-ene Bier im Bruune Mutz gsässe sin. Die drey hänn beschlosse, as sy e Glygge- und Instrumäntunabhängigi, gschlächtsneutrali Grubbe ins Lääbe riefte, wo ze **wander**baare Bangsionierte-Ganzdäägige yllaadet ...und wo keine Statute unterstoot! D Organisation basiert uf ere ‚flache Anarchie‘...

Sit em April sin die Stramme Wäädli jetzt fascht jeede Monet emool unterwäggs. Wenn de meh wottscht wüsse über d' Aggtivitätte vo dääre Wunder-Wander-Grubbe, denn kasch

**strammi waade** google, so stossisch ganz gly uf d' Wäädli Websyte.

Im Namme vom Häuptling ‚Stramme Waade‘ dr IT-Indianer ‚Mega Pixel‘



19. Juni 2013  
Aesch - Unteri Klus -  
Blattepass - Blaui  
Räabe - Ettige



19. Septämber 2013  
Buus - Sunnebärg -  
Magde - Rhyfælde

Und mit dem Ende der Herbstferien wird es jetzt also auch für uns in der AG wieder ernst. Um es etwas salopp auszudrücken: die Arbeit ruft!! Dass wir das durchaus auch mit weiteren, gemütlichen Momenten verbinden können haben wir ja auch in der Vergangenheit bewiesen.

## **Rolli unterwäggs** / Ussflugs-Tipp



E Bsuech in d'Asphaltmine im

Val-de-Travers

*Jetzt gohts in Uundergrund*

E Helm uff e Kopf, e Taschelampe in d'Händ, eso goht me mit eme Fiehrer uff e Fuessmarsch vo ca. 1km ins Bärgwärk, wo vo 1711 bis 1986 in Betrieb gsi isch. Im Summer e willkommeni Abkiehlig, wells numme öppe 8° dört unde het. D'Fiehrig durt ca. 1,5 h.

Me entdeckt do, wie die Mensche hän miesse schaffe und läbe und wie's under dr Ärde eso usgseh duet.

Fiehrige finde wie folgt statt:

Jede Dag vom 01. April bis 20. Oktober: 10.30 h und 14.30 h, im Juli und August zuesätzlich 12.30 h und 16.00 h

Im Winter Sunntig 12.30 h und 14.30 h, täglich am 14.30 h, do isch e Vorreservation obligatorisch.

Koschte duets Erwachseni Fr. 16.00 Kinder Fr. 10.00

Noch dr Fiehrig kamme sich e Schingge im Asphalt kocht gönne.

Mit em Auto folgt me ab Neuchâtel de Schilder Val-de-Travers/Pontarlier und denn de brune Schilder Mines d'asphalte.

Mit em Zug stiigt me bi dr Haltstell La Presta-Mines d'asphalte uff dr Linie Neuchâtel-Buttes uss (es halte aber nid alli Züg!).



# Schwarzes Brätt

Suche:

Vorträhler !  
(s. Letschi Syte)

An das Brätt kasch alles schribe:

- Buechtipps
- i suech/ha gfunde
- Kurioses
- Anekdote
- Grücht
- Kochtipps
- my Läbensgschicht
- i will öbbis düschle
- neu Restaurants
- Partnersuechi
- die bequämschti Fasnachtsfrisur
- Mitfahrgläheheit etc.

An die Junge Rolli:  
S Voilà Team suecht  
Jungi, wo gärn öbbis  
über d Pfyffer-/  
Drummelstunde dien  
schribe.

Hesch öbbis z'mälde, denn schigg  
e mail an [basterrolli@gmail.com](mailto:basterrolli@gmail.com)

S Voilà Team  
suecht e Gaschtgäber  
für die nägschti  
Redaktionssitzig

Ufleesig vom Quiz:

SUJET

Vorschau uf die nägschti Usgoob:

- Bunte Oobe
- Rolli-Wiehnacht
- Vogel Gryff
- Offiziells
- Routeplän

# Jos. Kym AG, Maler Gipser



*mir mole, gipse  
und tapeziere*

*vielseitig · fair · zuverlässig*

**Reinach · Laufen**

**Telefon 061 711 34 58 · [www.kymmaler.ch](http://www.kymmaler.ch)**

---

# Schwarzes Brätt / Vortrabsuechformular

---

## Eigeschafte:

Ich ha/bsitz....

- Freud an lange dünne Stägge, wo obe lüchte
- e Gummiduume deheim woni könnt mitnä
- Durchsetzigsvermöge
- ha Schlagkraft mit Hand und Latärne
- Träffsicherheit
- mindischtens 3 Fründe/-inne wo au in Vortrab wänn ko
- Fasnachtsfieber

Ich bi...

- e glatte Siech
- pünggtlig
- e Führiigspersönligkeit
- an dr Fasnacht nid in de Skiferie
- mir dr Ehr und Bedütig vo mim Amt bewusst

Ich ka...

- e Bläch Bier trage - oder zwai
- linggs vo rächts unterscheide
- mit Papier umgo
- fliessend Baseldytsch in Wort und Schrift (Ausnahmen melden sich bei Anne zwecks Evaluation, vielen Dank)

Ich...

- seh guet us unter dr Larve
- find dr Wäg au ohni Clique
- will nid pfyffe/drummle lerne – bi musikalisch taläntfrei
- find dr Rhy ohni Google Maps
- kumm jede Donnschtig an Stamm ins Räbhus



**Amäldetalon (wenn du pro Rubrik mindischtens 3 Krüzli hesch):**

Vorname: ..... Nochnome: .....

Empfohle worde vo: .....

Mit mir kömme no in Vortrab:

....., ....., .....

**Bitte maile an: [vortrag.baslerrolli@gmail.com](mailto:vortrag.baslerrolli@gmail.com)**